

Transumptio-  
rum fides.

iusmodi concessis, seu communicatis perpetuo transferimus in contrarium facientibus non obstantibus quibuscumque.

§.4. Volumus autem, ut presentium, transumptis, etiam impressis, manu alicujus Notarii publici subscriptis, & sigillo personae in ecclesiastica dignitate constitutae munitis, eadem prorsus fides ubique locorum tam in iudicio, quam extra adhibeatur, quae ipsis presentibus adhiberetur, si forent exhibitae, vel ostense.

Dat. die 12.  
Sept. 1655.  
An. I.  
Datum Romae apud S. Mariam Majorem sub Annulo Pisc. die 12. Septembris 1655. Pontificatus nostri Anno I.

L.

Ex Regest. in  
Secret. Breve.

Commissio Nuncio Sabaudiae super impositione Subsidii pro pauperibus Catholicis Vallium Domini Ducis Sabaudiae super fructibus ecclesiasticis.

Ven. Fratri Alexandro Episcopo Bituntin. apud dilectum filium nobilem juvenem Carolum Emanuele Sabaudiae Ducem nostro, & Apostolicae Sedis Nuncio.

ALEXANDER PAPA VII.

Ven. Frater salutem, & Apostolicam benedictionem.

Commissio  
Nuncio imposi-  
tionem subsidii  
super omnibus  
fructibus Ecclesiasticis.

§.1. UT quaecumque opportuna ratione ingentibus necessitatibus, quibus Catholicos Vallium Domini dilecti filii Nobilis Juvenis Caroli Emmanuelis Sabaudiae Ducis ob nuperum cum haereticis bellum premi cum magno animi nostri dolore accepimus, & in quarum sublevamen non levem summam de pecuniis nostris erogavimus, quamprimum subveniri possit, ad Ecclesiasticorum illarum partium peculium confugere decrevimus, certo Nobis persuadentes neminem fore, qui onus sibi in adeo piam causam imponendum prompte, & libenter non subeat. Motu itaque proprio, ac ex certa scientia, & matura deliberatione nostris, deque Apostolicae potestatis plenitudine, fraternitati tuae per presentes committimus, & mandamus, ut unum subsidium unius pro quolibet centenarium omnium, & quorumcumque fructuum, reddituum, proventuum, jurium, obventionum, distributionum quotidianarum, & emolumentorum ordinariorum, & extraordinariorum omnium, & quorumcumque Ecclesiarum Metropolitanarum, Cathedralium, Collegiarum, & Parochialium, necnon Monasteriorum, & Conventuum, ac etiam mensarum Archiepiscopali, Episcopali, Abbatiali, Capitularium, & Conventualium, Prioratum quoque, Praepositarum, Canoniarum, Praebendarum, Dignitatum, Personatum, Administrationum, & Officiorum, ceterorumque Beneficiorum Ecclesiasticorum, etiam juris patronatus laicorum tam ex privilegio, quam ex fundatio-

ne, & dotatione cum cura, & sine cura, secularium, ac Sancti Benedicti, Sancti Augustini, Cluniacen., Cisterciens., Praemonstraten., Sancti Basilii, Sylvestrinorum, & qui proprietates, redditusque certos ex privilegio, vel alias possident, Mendicantium, & quorumcumque aliorum Ordinum utriusque sexus, necnon Congregationum regularium, & Hospitalium pauperum Hospitalitatem non exercentium, seu bona, & redditus ultra infirmorum necessitates, & alia pro quibus instituta sunt pia officia exercenda possidentium, non tamen per S. R. E. Cardinales, qui pro sustinenda tanta dignitate gravissimas impensas, & labores Republicae Christianae causa continue subire coguntur, obtentorum, necnon S. M. Theutonicorum SS. Mauriti, & Lazari, Templi Domini, & aliarum) non tamen Hospitalis S. Jo: Hierosolymitani) Militarum intra fines tuae Nunciaturae consistentium, etiam duodecim Congregationum, quae cum Camera nostra Apostolica de subsidio ordinario concordarunt, & insuper omnium Collegiorum possidentium bona stabilia fructifera Ecclesiastica per viam unionis, aggregationis, aut alio quovis titulo, Monasteriorum, Prioratum, & Beneficiorum Ecclesiasticorum quovis nomine nuncupatorum secundum verum, & realem annum valorem fructuum, reddituum, proventuum, & aliorum praemissorum, ac praeterea omnium, & quorumcumque pensionum annuarum fructibus, redditibus, proventibus, juribus, obventionibus, & emolumentis, ac distributionibus hujusmodi ad favorem quorumcumque etiam praedictarum duodecim Congregationum reservatarum, constitutarum, & assignatarum percipiendum, exigendum, & levandum ab omnibus, & quibuscumque Episcopis, Archiepiscopis, Primatibus, Patriarchis, & aliis Ecclesiarum Praelatis, ac ceteris cujuscumque dignitatis, gradus, status, & conditionis personis (praedictis Cardinalibus, & Hospitalis S. Joannis Hierosolymitani militibus dumtaxat exceptis) praedicta quocumque jure, & titulo obtinentibus, & obtenturis, necnon Economicis, & Administratoribus perpetuis, & temporalibus, usufructuariis, ac fructus, pensiones, res, & alia hujusmodi jura ex quacumque causa sibi, apostolica auctoritate in toto, vel in parte reservata habentibus, & habituris, secularibus, & regularibus Ordinibus, Congregationibus, Militiarum, & Hospitalium, non tamen S. Joannis Hierosolymitani praedictis, necnon ab ipsis Ecclesiis, Capitulis, Conventibus, Ordinibus, Congregationibus, Collegiis, Hospitalibus, Militiis, mensis, massis, & locis quocumque privilegio, & exemptione reali, personali, & mixta, antiqua, immemorabili, pacifica, & continua sussultis intra tempus a te praesigendum, ac juxta taxam a te, vel tuis Deputatis faciendam semel dumtaxat solvendum, auctoritate nostra Apostolica indicas, & imponas, ac idem subsidium postquam illud, ut praefertur, im-

Contraveniens  
punir.

imposueris, & indixeris per te, vel personas ecclesiasticas a te ad id specialiter deputandas a quibusvis personis, Ecclesiis, Capitulis, Conventibus, Ordinibus, Congregationibus, Collegiis, Hospitalibus, Militiis, Mensis, Massis, & Locis praefatis exigas, ipsasque personas tam conjunctim, quam divisim, ac Ecclesias, Capitula, Conventus, Ordines, Congregationes, & alia hujusmodi ad dicti subsidii solutionem, eadem auctoritate cogas, & compellas, ac pecunias quascumque exinde proventuras pauperibus Catholicis praedictis pro cuiuslibet eorum indigentia, ac pro arbitrio tuo integre distribuas, seu distribui cures; Contradictores, perturbatores, molestatores, & rebelles quoslibet, eisque auxilium, consilium, & favorem publice, vel occulte, quovis quaesito colore praestantes cujuscumque dignitatis, gradus, & ordinis fuerint per sententias, censuras, & poenas ecclesiasticas aliaque opportuna juris, & facti remedia, appellatione postposita compescendo, legitimisque super hoc habendis, servatis processibus, sententias, censuras, & poenas ipsas, etiam iteratis vicibus aggravando, interdictum Ecclesiasticum apponendo, invocato etiam, quatenus opus fuerit, auxilio brachii secularis.

Nihil hujusmodi subsidii  
solutionem  
impedire  
debetur.

§.2. Decernentes nullas immunitates, & exemptiones etiam ex causa resignationis, cessionis juris, concordiae, conventionis, compositionis, aut alia quacumque gravi, & onerosa occasione quocumque modo concessas integram subsidii hujusmodi solutionem minuere, vel impedire, sed Titularios, Administratores, Usufructuarios, & alias pensiones praedictas solvere debentes, ad supradictum, & nomine pensionariorum solvendum respective cogi, & compelli posse, ita tamen, ut ipsi, etiam si juri petenda, vel detrahenda, seu retinenda portiones pensionarios continuentis jurejurando, aut etiam in forma Camerae Apostolicae praefata amplissima, seu alias quomodolibet renunciaverint, nihilominus id, quod eorumdem pensionariorum nomine praestiterint, ipsis pensionariis de eorum pensionibus deducere libere, & licite valeant; sique in praemissis per quoscumque Judices ordinariorum, & delegatos etiam causarum Palatii Apostolici Auditores, & S. R. E. Cardinales, etiam de latere legatos, & Sedis Apostolicae Nuncios, & alios quoscumque quavis auctoritate, & potestate fungentes, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari, pariter decernimus.

Contraria  
revert.

§.3. Non obstantibus fel. rec. Bonifacii Papae VIII. Praedecessoris nostri de una, & in Concilio generali edita de duabus dietis, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon Ec-

clesiarum, Monasteriorum, Ordinum, Congregationum, Hospitalium, Militiarum, & locorum praedictorum, etiam juramento, confirmatione apostolica, vel quavis firmitate alia roboratis statutis, & consuetudinibus, stabilimentis, usibus, & naturis, privilegiis quoque, immunitatibus, exemptionibus, indultis, & Literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, & decretis etiam irritan. in genere, vel in specie, etiam motu simili, & consistorialiter, seu alias quomodolibet concessis, confirmatis, & pluribus innovatis, etiam si in eis Praelatis, & personis, eorumque Ecclesiis, & locis ab eadem sit Sede indultum, quod interdici, suspendi, vel excommunicari non possint per Literas Apostolicas non facientes plenam, & expressam, ac de verbo ad verbum de indulto hujusmodi, necnon de personis, eorumque nominibus, cognominibus, Ecclesiis, Monasteriis, Ordinibus, & locis hujusmodi mentionem, ac promissionibus, donationibus, obligationibus, juramentis, renunciacionibus, vinculis, & cautelis in assignatione praedictarum pensionum, seu illarum occasione quomodolibet factis. Quibus omnibus, & singulis etiam pro illorum sufficienti derogatione, de illis, eorumque totis tenoribus specialis, specifica, individua, & de verbo ad verbum, non autem per clausulas generales idem importantes mentio, seu quavis alia exquisita forma, ad hoc servanda foret, illorum omnium, & singulorum tenores, formas, & occasiones, praesentibus pro plene, & sufficienter expressis, servatis, & insertis respective habentes, illis alias in suo robore permansuris, ad praemissorum effectum specialiter, & expresse derogamus, ceterisque contrariis quibuscumque.

In exigendo  
subsidio Con-  
stit. Clem. V.  
valere decet  
nit.

Datum Romae apud S. Mariam Majorem sub Annulo Piscatoris die 15. Novembris 1655. Pontificatus nostri Anno I.

Dat. die 15.  
Nov. 1655.  
An. I.

L I.

Indultum Clericorum Camerae Apostolicae deferendi ubique Rocchettum, & licentiam celebrari faciendi Domi.

Ex Regest. in  
Secret. Breve

ALEXANDER PAPA VII.  
Ad perpetuam rei memoriam.

§.1. Singularis dilectorum filiorum Camerae nostrae Apostolicae Clericorum

Procuratorum

rum in Nos, & Apostolicam Sedem fides, & devotio, necnon assidui, gravesque labores, quos pro nostro, & ejusdem Sedis servitio jugiter sustinent, promerentur, ut sicuti conspicua muneris eorum dignitas Romanam Curiam valde exornat, ita ipsi uberioris honoris prerogativa, & amplioribus gratis ejusdem Sedis beneficio decorentur.

Rochestrum Clericis C. A. de foris assignat.

§.2. Volentes itaque aliquod erga eosdem Clericos paternae nostrae munificentiae extare monumentum, motu proprio, ac ex certa scientia, & matura deliberatione nostris deque Apostolicae potestatis plenitudine omnibus, & singulis Camerae praedictae Clericis nunc, & pro tempore, quandocumque existentibus, ut vestem lineam *Rochestrum* vulgo nuncupat. in quibusvis Conciliis, etiam universalibus, Congressibus, Congregationibus, Conventibus, sessionibus, Processionibus, porapiis, consiliis, functionibus, negotiis, caeterisque actibus publicis, & privatis, Pontificiis, Imperialibus, Regiis, Cardinalitiis, ac quorumcumque Principum, sive sacris, sive prophanis, vel mixtis tam in Statu Ecclesiastico, quam extra illum ubique, Locorum, & gentium etiam in Romana Curia, ac in quibusvis Regnis, Provinciis, Regionibus, & Locis etiam transalpinis, & ultramarinis, ac etiam in nostra, & Romani Pontificis pro tempore existentis, ac Imperatoris, Regum, Cardinalium, etiam de latere Legatorum, Ducum, Principum, & quorumlibet aliorum quacumque Ecclesiastica, & mundana dignitate etiam specialem, & individuum expressionem requirentem fulgentium praesentia, conspectibus, & Curis, & generaliter ubicumque coram quibuscumque, ac omni tempore deferre, illoque induti publice incedere.

Dat facultatem praedictis Clericis celebrandi Missam in Oratorio privato.

§.3. Ac insuper iisdem Clericis nunc, & pro tempore quandocumque existentibus pro spirituali eorum consolatione, ut in privato Domus cujuslibet eorum habitationis, etiam in hac Alma Urbe nostra, Oratorio ad hoc decenter muro extructo, & ornato, seu extruendo, & ornando ab omnibus domesticis usibus libero per dilectum filium nostrum in eadem Urbe Vicarium in spiritualibus generalem (quoad Oratoria in eadem Urbe, & quoad alia extra praedictam Urbem per Ordinarium Loci respective prius visitando, & approbando, unam Missam pro unoquoque die, dummodo in Domo hujusmodi celebrandi licentia, quae adhuc duret, alteri concessa non fuerit, per se ipsos, si Sacerdotes fuerint celebrare, seu per quemcumque Sacerdotem approbatum secularem, vel de Superiorum suorum licentia Regularem, sine tamen quorumcumque jurium Parochialium praedictis, ac Paschatis Resurrectionis, Pentecostes, & Nativitatis Domini Nostri Jesu Christi, aliisque solemnioribus anni festis diebus exceptis, in sua, ac cujuslibet eorum familiae praesentiam celebrari facere libere, & licite possint, &

valeant, ita tamen, ut familiares eorum servitii non necessarii ibidemque Missae interessentes ab obligatione audiendi Missam in Ecclesia diebus Festis de Praecepto liberi minime censeantur, tenore praesentium, & facultatem concedimus, & impertimur.

§.4. Decernentes eosdem Clericos desuper a quoquam quavis auctoritate nullatenus molestari, seu impediri, neque praesentes Literas de subreptionis, obreptionis, aut nullitatis vitio, vel intentionis nostrae, aut quovis alio defectu notari, impugnari, vel redargui, vel sub similibus, vel dissimilibus gratiarum moderationibus, limitationibus, revocationibus, & quibusvis aliis contrariis dispositionibus per quoscumque Romanos Pontifices Successores nostros, & Sedem praefatam etiam motu simili, ac etiam consistorialiter, & alias quomodolibet pro tempore factis, & faciendis comprehendere, sed semper ab illis exceptas, & quoties illae emanabunt, toties in pristinum, & validissimum statum restitutas, repositas, & plenarie reintegratas, ac etiam sub posteriori data quandocumque eligenda de novo concessas, semperque validas, firmas, & efficaces existere, & fore, suosque plenarios, & integros effectus sortiri, & obtinere, ac dictis Clericis perpetuo suffragari; Sicque, & non aliter in praemissis, per quoscumque Judices ordinarios, & delegatos, ac Sanctae Romanae Ecclesiae Cardinales, etiam de Latere Legatos, & quovis alios quacumque auctoritate fungentes nunc, & pro tempore existentes sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & desiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Præsentis validas declarat.

Contraria resellit.

§.4. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, hac vice dumtaxat specialiter, & expresse derogamus, caeterisque contrariis quibuscumque.

Datum Romae apud Sanctam Mariam Majorem, sub Annulo Piscatoris, die 18. Novembris 1655. Pontificatus nostri Anno 1.

Dat. die 18. Nov. 1655. An. I.

Di-

LII.

Divisio, & reductio Provinciarum Religionis C. R. Ministrantium Infirmis.

ALEXANDER PAPA VII.

Ad perpetuam rei memoriam.

Exordium.

IN eminenti Sedis Apostolicae specula, Dominici gregis curae nostrae divinitus commissi commodis jugiter invigilantes illis, quae prospero Congregationum personarum regularium, nedum ad corporalem Christi fidelium utilitatem, sed etiam quod satius est, ad salutem animarum, praesertim in extrema cum hoste humani generis lucta procurandam provide institutarum statui, & felici directioni conducere arbitramur, propensis studiis intendimus, ac desuper pastoralis officii nostri partes interponimus, prout in Domino conspicimus salubriter expedire.

Reducit provincias Ministrantium Infirmis.

§.1. Cum itaque, sicut accepimus, Congregatio dilectorum filiorum Clericorum Regularium Ministrantium Infirmis dudum per Literas Apostolicas in quinque Provinciis, videlicet Romanam, & Etruriam simul, necnon Mediolanensem, Bononiensem, Neapolitanam, & Siculam divisam fuerit: Et subinde eandem Congregationem particularis Congregatio a fel. record. Innocentio Papa X. Praedecessore nostro deputata in duas Provincias, nempe Neapolitanam, quae etiam Siculam comprehenderet, ac Romanam, quae reliquas Provincias praedictas pariter contineret, redegerit, cumque praemissorum occasione varia perturbationes suborta fuerint. Nos, ut Clerici praedicti semota omni perturbationum materia in suo laudabili Instituto pro communi Christiani fidelium bono perseverare valeant, quantum cum Domino possumus, providere volentes.

§.2. Motu proprio, ac ex certa scientia, & matura deliberatione nostris, deque Apostolicae potestatis plenitudine, totam Congregationem Clericorum Regularium hujusmodi in quatuor Provincias, videlicet Romanam, quae Etruscam, eique propinquirem Bononiensem Provinciam partem comprehendat, necnon Mediolanensem, quae reliquam Provinciam Bononiensem hujusmodi partem, juxta divisionem ipsius Provinciae Bononiensis in Capitulo Generali dictae Congregationis proxime celebrando faciendam etiam comprehendat, ac Neapolitanam, & Siculam, quae quatuor Provincias singulae suos Provinciales, & Officiales distinctos, & separatos habere debeant, tenore praesentium dividimus, & reducimus.

In duas tantum Provincias dividit.

§.3. Declarantes tamen, quod quantum attinet ad electionem personae idoneae ex Provinciarum dictae Congregationis professoribus ad minus Praefecti Generalis ipsius Congregationis pro tempore vacans alternatim assumenda, eadem Congregatio in duas solummodo Provincias,

nempe Romanam, quae Mediolanensem, quoad hunc articulum contineat, ac Neapolitanam, quae Siculam pariter comprehendat, divisam censeatur, itaut praedictum munus Praefecti Generalis professoribus Romanae, seu Mediolanensis, & Neapolitanae, seu Siculae Provincialium hujusmodi alternatim in perpetuum deferri debeat, & Praefectus Generalis, quando Romanae, & Mediolanensis insimul Provinciae turnus obtigerit, tam ex particulari Romana, quam ex Mediolanensi Provinciis praedictis, servatis tamen aliis servandis, assumi possit; quando vero Neapolitanae, & Siculae Provinciae itidem insimul turnus obtenerit, tam ex particulari Neapolitana, quam ex Sicula Provinciae hujusmodi eligi similiter valeat.

Singulos Consultores in 4. Provinciis assumi jubet.

§.4. Praeterea prohibitionem, ne ex Provincia dictae Congregationis, ex qua Praefectus Generalis electus esset, Consultor ullus ejusdem Congregationis assumere, in praedictis Literis Apostolicis contentam, motu, scientia, deliberatione, potestatis plenitudine, & tenore praesentium tollentes, & abolentes, singulos Consultores praedictae Congregationis, & singulis quatuor Provinciis memoratis, Romana videlicet, Mediolanensi, Neapolitana, & Sicula assumi debere decernimus.

§.5. Statuentes ut Arbitrarius Consultae generalis praedictae Congregationis nequaquam ex illa Provincia, ex qua Praefectus Generalis pro tempore fuerit, sed ex alia assumatur: ac decernentes praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus, ad quos spectat, & pro tempore spectabit, perpetuo inviolabiliter observari: sicque in praemissis per quoscumque Judices ordinarios, & delegatos, etiam causeri Palatii Apostolici Auditores, sublata eis, & eorum cuilibet quavis aliter iudicandi, seu interpretandi facultate, & auctoritate, iudicari, & desiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contraria derogat.

§.6. Non obstantibus praemissis, ac Constitutionibus, & Ordinationibus Apostolicis, necnon dictae Congregationis, etiam juramento, confirmatione apostolica, vel alia quavis firmitate, roboratis statutis, & consuetudinibus, privilegiis quoque, indultis, & Literis Apostolicis eidem Congregationi, illius Superioribus, & personis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, & ad verbum insertis habentes, illis alias in suo robore permanentibus, ad praemissorum, effectum, hac vice dumtaxat specialiter, & expresse derogamus, caeterisque contrariis quibuscumque.

Transumptum fides.

§.7. Volumus autem, ut praesentium, transumptis, etiam impressis, manu Notarii publici subscriptis, & sigillo alicujus per-

personæ in Ecclesiastica dignitate constituta munitis, eadem prorsus fides in iudicio, & extra, ac ubique locorum adhibeatur, quæ ipsis presentibus adhiberetur, si forent exhibitæ, vel ostensæ.  
Datum Romæ apud Sanctam Mariam Majorem, sub Annulo Piscatoris, die 22. Novembris 1655. Pont. nostri Anno I.

Dte. die 22.  
Nov. 1655.  
An. I.

LIII.

Ex Regest. in Secreti. Breui. Rennio Provinciae Belgicæ Ordinis Fratrum Sancti Francisci de Paula Minorum nuncupat. sub uno Provinciali.

ALEXANDER PAPA VII.

Ad futuram rei memoriam.

Proemium. **I**nter gravissimas, multiplicisque apostolicæ servitutis Nobis per abundantiam Divinæ bonitatis nullo meritorum nostrorum suffragio impositæ curas, illam propensius studiis amplectimur, ut discordiarum spinas inter religiosos viros sub suavi religionis jugo Altissimi obsequiis addictos non sine regularis disciplinæ dispendio enatas opportuna provisionis ministerio recidamus, & ne impofterum repullulent, quantum Nobis ex alto conceditur, prospiciamus.

Motiva. §. 1. Cum itaque, sicut dilectus filius Zelosus Ordinis Fratrum Sancti Francisci de Paula Minorum nuncupatorum Nobis nuper exponi fecit, alias aliqui Fratres Provinciae Belgicæ dicti Ordinis sub fisco, & colorato prætextu, necnon sive legitimo mandato procuræ a Capitulo Generali ejusdem Ordinis de anno 1643. Romæ celebrato subreptitium decretum extorserint, quatenus una eademque bene, recteque constituta Provincia prædicta divideretur in duas, alteram quidem Vallonicam, alteram vero Flandricam, quibusdam pactis, & conditionibus adjectis, iisque subinde reformatis per secundum Decretum, ut Provincialatus antea datus Fratibus Flandris relinqueretur Fratibus Vallonibus; Flandrica vero Provincia certo tempore careret Provinciali, sed a Vicario generali regeretur; cumque diversis exinde dissensionibus, incommodisque hinc inde subortis Fratres dictæ Flandricæ Provinciae occasione Comitiorum Generalium Ordinis præfati novissime in Urbe coactorum, pro stabilienda Religiosorum utrimque pace, atque concordia ad hanc Sanctam Sedem recursus habuerint; Hinc est, quod dissensiones, & incommoda hujusmodi removere, dictumque Zelosum specialibus favoribus, & gratis profectui volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum harum

serie absolventes, & absolutum fore censes, supplicationibus ejus nomine Nobis super hoc humiliter porrectis inclinati, de Venerabilium Fratrum nostrorum Sanctæ Romanæ Ecclesiæ Cardinalium negotiis, & consultationibus Episcoporum, & Regularium præpositorum qui partes, necnon dilectum pariter filium Correctorem generalem ejusdem Ordinis, ac etiam Venerabilem Fratrem nostrum Bernardinum Episcopum Sabinen. Sanctæ Romanæ Ecclesiæ præfata Cardinalem Spadam nuncupat. d. Ordinis apud Nos, & Sedem Apostolicam Protectorem sapius respective audiverunt, causamque mature discussurunt, & ad Nos retulerunt, consilio, præfata Provinciam Belgicam in unum corpus, auctoritate Apostolica, tenore presentium reunimus, pristinoque, & ei in quo ante divisionem reperiebatur, statum, utramque Nationem, ejusque Conventus sub uno Provinciali unientes restitimus, modo, & forma infrascriptis, videlicet. Primo, quod Fratres Flandri sub regimine Vicarii Generalis, ac Collegiarum amovibilibus perseverent usque ad Capitulum Provinciale ejusdem Provinciae Belgicæ proxime in Michaeliitibus anni 1656. celebrandum. Secundo, habeant votum in dicto Capitulo Provinciali anni 1656. hujusmodi Vicarius Generalis Flandorum cum suis Collegis, non minus quam Provincialis, & Collegæ Vallonum, & numerus electorum æqua lance libretur inter utramque nationem; Quare pro illa vice tantum compareant Correctores, ac Commissi Conventuum Antuerpiensis, Bruxellensis, Gerardimontensis, ac Leodiensis pro Natione Flandrica, ac Conventuum Anderlacen. Insulensis, Montensis, & Duacensis pro Natione Vallonica; nec interim ab una, vel alia parte novus Correctoratus erigatur. Tertio præsideat in illo Capitulo dilectus filius noster, & Sedis præfata, in Belgico Internuntius, aut ab eo, si adesse non poterit, substituendus ad sopiendas, si quæ occurrerent, difficultates, qui Internuntius, aut ab eo substitutus Capitulum convocabit in Conventu Bruxellensi, aut Anderlacen. prout melius expedire judicaverit. Quarto, liberum sit inibi Provinciale eligere de gremio Vallonicæ, vel Flandricæ Nationis; sed casu, quo de gremio Flandricæ fuerit, teneantur sequenti triennio illum eligere de gremio Vallonicæ, aut viceversa, & ita deinceps alternatim. Correctores autem Conventuum Flandrorum semper eligentur e gremio Nationis Flandricæ, sicut e gremio Vallonicæ pro Vallonicis. Quinto, e gremio Flandricæ Nationis censeantur Flandri, Leodienses pro nunc, & alii Provinciam hodie Flandricam constituentes. Et similiter e gremio Vallonum, Vallonos, & alii Provinciam hodie Vallonicam constituentes. Sexto, quandocumque Provincialis e gremio Flandrorum fuerit, unicuique tantum sit e gremio Flandricæ Nationis Collegæ, ac tres tantum Definitores, ubi autem Vallo-

fuerit, unicuique pariter sit e gremio Vallonum Collegæ, & tres Definitores. Septimo Commissus ad Capitulum generale semper sit e gremio alterius a suo Provinciali nationis. Ubi vero in casu mortis Correctoris generalis, aut aliter, solus Provincialis comparuerit, aut solus Commissus neuter aliquid dicto generali Capitulo proponere valeat nisi approbatum prius ab omnibus, & singulis totius Provinciae Definitoribus. Octavo, in casu mortis Provincialium, Collegarum, ac Definitorum subeligantur personæ e Natione defunctorum. Provincialis tamen subelectus terminum defuncti tantum explere possit, Collegæ autem reelegi poterunt casu, quo dimidium triennii non expleverint. Nono, non possint Provinciales Valloni, seu Flandri Novitios hujus, aut alterius Nationis recipere, nisi proportionabiliter ad numerum, quem sustinere poterunt Conventus suæ respective Nationis, quibus eorum dotes applicabuntur juxta dispositionem Provincialis, Vallonum scilicet alicui Conventui e Vallonicis, & Flandrorum e Flandricis. Decimo pro Conventibus Vallonicis censeantur Anderlacenensis, Insulensis, Montensis, Driacensis, ac alii, quos in Vallonia contigerit acceptari, & pro Conventibus Flandricis, Antuerpiensis, Bruxellensis, Gerardimontensis, Lovanienensis, Dunquerquensis, ac (pro nunc) Leodiensis, & Juppiensis, ac alii, quos pariter in Flandria contigerit acceptari: sed quam primum Conventus Lovanienensis, Ippiliensis, aut Dunquerquensis, aut alter ipsorum in Correctorium erigatur, tunc Leodienses utpote ejusdem idiomatis, Vallonicis annumerabuntur. Undecimo, Conventus Anderlacenensis nunc, & perpetuum Nationi Vallonicæ aggregabitur, nec unquam ab illa quavis de causa, occasione, vel prætextu separabitur. Mandantes, ut præfates Literæ quamprimum publicentur in utriusque Nationis hujusmodi Definitoriis ad hoc specialiter congregandis, ac deinde in singulorum Conventuum Capitulis.

Præfates literas confirmat. & roborat.

Contraria solit.

§. 3. Ac decernentes easdem præfates Literas semper firmas, validas, & efficaces existere, & fore, ac ab illis, ad quos spectat, & pro tempore spectabit, respective inviolabiliter, & inconcussè perpetuo observari; Sicque in præmissis per quoscumque Judices ordinarios, & delegatos, etiam Caesarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.  
§. 3. Non obstantibus præmissis, ac Constitutionibus, & Ordinationibus Apostolicis, necnon dicti Ordinis, ejusque Provinciarum, ac Conventuum quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis eidem Ordini, ac Provincialis, Bull. Rom. Tom. VI. Par. IV.

& Conventibus hujusmodi, illorumque Superioribus, & Fratibus quibusvis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

§. 4. Volumus autem, ut presentium transumptis, etiam impressis, manu Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in iudicio, quam extra illud adhibeatur, quæ ipsis presentibus adhiberetur, si forent exhibitæ, vel ostensæ.

Datum Romæ apud Sanctum Petrum, sub Annulo Piscatoris die 27. Nov. 1655. Pontificatus nostri Anno I.

Dat. die 27.  
Nov. 1655.  
An. I.

LIV.

Legatio pro DD. Cardinalibus Joanne Carolo Medices, & de Hassia ad eundem obviam Reginae Sveciæ juxta Decretum Consistoriale.

Ex Regest. in Secreti. Breui.

Dilectis filiis nostris Joanni Carolo S. Mariae Nova de Medices, ac Friderico S. Mariae in Aquivo S. R. E. Diaconis Cardinalibus de Hassia respective nuncupatis.

ALEXANDER PAPA VII.

Dilectis filiis salutem, & Apostolicam benedictionem.

**C**UM charissima in Christo filia nostra Christina Sveciæ Regina Illustris prope diem benedicente Domino Romam sit appulsura: Nos pro singulari, quo illam prosequimur paternæ Charitatis, & dilectionis affectu, eamdem Christinam Regnam majori cum dignitate excipi cupientes, habita desuper cum Ven. Fratibus nostris S. R. E. Cardinalibus deliberatione matura, de illorum consilio, & assensu, vos, quos, & generis splendor, & præclaræ animi dotes multipliciter exornant, nostros, & Apostolicæ Sedis de latere Legatos, ut eidem Christinae Reginae obviam eatis, Apostolica auctoritate, tenore presentium facimus, constituimus, & deputamus; in contrarium facien. non obstant. quibuscumque.

Legatos ebn. stituit ad obviam eundem Christinæ Reginae Sveciæ.

Datum Romæ apud S. Petrum, sub Annulo Piscatoris, die 29. Novembris. 1655. Pontificatus nostri Anno I.

Dat. die 29.  
Nov. 1655.  
An. I.



consuetudinem dictus viginti quatuor Canonorum numerus in ea immutabiliter retineatur, & conservetur dictique pro tempore 24. existentes Canonici iuxta decreta Visitationis Illustrissimi Domini Turriani in electionibus, & actionibus Capitularibus quibuscumque vocem activam, & passivam habeant, & ex iis sex semper residere, fructusque residentie lucrari possint, & debeant, itaut uno ex iis quandocumque decedente, alius ex titularibus non residentibus ad residentiam eligendus admitatur. In quorum &c. Datum Curiae ex Arce Episcopali die 2. Septembris 1655. Ferricus Patriarcha Alexandrinus Nuncios Apostolicus.

§.2. Cumque sicut Nobis innotuit Ven. etiam Frater Episcopus Curien., necnon dilecti filii Canonici dictae Ecclesiae Curien. Decretum praesentem eis lectum receperint, & debita cum reverentia inviolabiliter observare promiserint.

§.3. Hinc est, quod Nos firmiori ejusdem Decreti subsistentiae, & observationi consulere volentes motu proprio, ac ex certa scientia nostra, Decretum praesentem, apostolica auctoritate, tenore praesentium confirmamus, & approbamus, illique inviolabilis apostolicae firmitatis robur adiuicimus, ac omnes, & singulos juris, & facti defectus, si qui desuper quomodolibet intervenerint, supplemus.

§.4. Decernentes praesentes literas semper firmas, validas, & efficaces existere, & fore, illasque, ac Decretum huiusmodi ejusdem praesentibus insertum ab omnibus, & singulis ad quos spectat, & pro tempore spectabit perpetuo inviolabiliter, & inconvulsus observari; sicque in praemissis per quoscumque Iudices ordinarios, & delegatos etiam causarum Palatii Apostolici Auditores, ac S. R. E. Cardinales, & delatere Legatos iudicari, & definiri debere, ac irritum, & inane, si secus super his a quocumque quavis auctoritate scienter, vel ignoranter contigerit attentari.

§.5. Non obstantibus Constitutionibus, & Ordinationibus Apostolicis, necnon quatenus opus sit, dictae Ecclesiae Curien. etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permansuris, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Petrum sub Anulo Piscatoris die 24. Decembris 1655. Pontificatus nostri Anno I.

Dat. die 24. Dec. 1655. An.I.

Contraria tollit.

Sequitur confirmatio praedicti decreti.

Decretum irritans.

Commissio Episcopo Casalen. super controversiis inter Principem Masserani, & de Crevacore, ac ejus Vassallos vertentibus.

Ex Regest. in Secret. Breu.

Ven. Fratri Episcopo Casalen.

ALEXANDER PAPA VII.

Ven. Frater salutem, & apostolicam benedictionem.

§.1. CUM, sicut accepimus, inter dilectum filium nobilem virum Paulum Bessum Ferrerium Fliscum Principem Masserani nostrum, & Sedis Apostolicae Feudatarium ex una, necnon dilectos filios ejusdem Pauli Principis subditos, seu Vassallos praesertim Terrarum Masserani, & de Crevacore Incolas ex altera partibus nonnullae controversiae, seu quaestiones sint exortae, Nos diligentem de illis informationem capi, processumque desuper confici volentes, fraternitati tuae, de cujus prudentia, fide, integritate, rerum agenda- rum peritia, & dexteritate, plurimum in Domino confidimus, per praesentes committimus, & mandamus, ut de, & super controversiis, seu quaestionibus hujusmodi diligentem cognitionem capias, ac processum, seu processus fabrices, & conficias, exactamque facti instructionem, & informationem sumas, aliaque desuper necessaria, & quomodolibet opportuna facias, geras, mandes, & exequaris usque ad sententiam exclusivae: Dantes tibi quamcumque necessariam, & opportunam facultatem substituendi vice tua ad praemissa praegenda aliquam personam idoneam ecclesiasticam, vel secularem, attento quod, ut pariter accepimus, eodem controversiae, seu quaestiones super negotio mere temporali, & profano vertuntur. Ceterum volumus, ut informationes, & processus quas, & quos vigore praesentium ceperis, & confeceris, seu persona a te substituenda caperit, & confecerit in forma authentica sub tuo sigillo clausas, & clausos ad Nos tuto transmittas, ut quod in praemissis statuendum fuerit, matura deliberatione adhibita decernamus.

Commissio Episcopo Casalen. ut transmittat processus, & quaestiones vertentes inter Princ. &c.

Opposita tollit.

§.2. Non obstantibus fel. rec. Bonifacii Papae VIII. Praedecessoris nostri de una, & Concilii Generalis de duabus dietis, dummodo ultra tres dietas aliquis auctoritate praesentium ad iudicium non trahatur, alisque Constitutionibus, & Ordinationibus Apostolicis, necnon quatenus opus sit supradictarum Terrarum, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo

bo ad verbum insertis habentes, illis aliis in suo robore permansuris, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Petrum sub Anulo Piscatoris die 24. Decembris 1655. Pontificatus nostri Anno I.

Dat. die 24. Dec. 1655. An.I.

Ex Regest. in Secret. Breu.

Christinae Reginae Sveciae conceditur licentia ingrediendi quoties voluerit quocumque Virorum Religiosorum in Urbe Monasteria cum honesto, & moderato aliquot mulierum, & nonnullorum virorum numero, & comitatu.

Charissima in Christo Filia nostra Christinae Sveciae Reginae Illustri.

ALEXANDER PAPA VII.

Charissima in Christo Filia nostra salutem, & apostolicam benedictionem.

Dat. facultatem Christinae Sveciae ingrediendi Monasteria, & domus quorumlibet Religiosorum.

§.1. Singularis Majestatis tuae pietas promeretur, ut ea, quibus spiritualium tua consolatio augeri potest, tibi libenter concedamus; Itaque Majestati tuae, ut cum honesto, & moderato aliquot mulierum, & nonnullorum virorum aetate, & moribus gravium numero, & comitatu, quascumque cujusvis Ordinis, Congregationis, Societatis, & Instituti Virorum Religiosorum Domos regulares, seu Monasteria in hac alma Urbe nostra existentia, ac intra septa ipsarum domorum, seu Monasteriorum. & clausuram quoties volueris ingredi, libere, & licite possis, & valeas, ita tamen, ut particularium Religiosorum cellas, seu cubicula neque tu, neque mulieres praescriptae ingredi amini, minusque tu, & mulieres hujusmodi inibi pernoctetis, apostolica auctoritate, tenore praesentium concedimus, & indulgemus.

Contraria derogat.

§.2. Non obstantibus Constitutionibus, & Ordinationibus Apostolicis, ac Ordinum, Congregationum, Societatum, Institutorum, Domorumque, & Monasteriorum, hujusmodi, etiam juramento, confirmatione apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Dat. die 24. Dec. 1655. An.I.

Datum Romae apud S. Petrum sub Anulo Piscatoris die 24. Decembris 1655. Pontificatus nostri Anno I.

Ex Regest. in Secret. Breu.

Ut Christina Regina Sveciae quocumque Urbis Monialium Monasteria cum honesto numero, & comitatu mulierum toties quoties ei placuerit, ingredi possit.

Charissima in Christo Filia nostra Christinae Sveciae Reginae Illustri.

ALEXANDER PAPA VII.

Charissima in Christo Filia nostra salutem, & apostolicam benedictionem.

§.1. Spirituali consolationi tuae pro paterno, quo te in Domino completimur, charitatis affectu consulere volentes, Majestati tuae, ut quocumque hujus almae Urbis Monialium Monasteria cujusvis Ordinis cum honesto numero, & comitatu mulierum modesto habitu toties, quoties tibi placuerit ingredi, ac cum Monialibus ipsis conversari dummodo tamen neque tu, neque mulieres praedictae ibidem pernoctetis, libere, & licite possis, & valeas apostolica auctoritate, tenore praesentium concedimus, & indulgemus.

Dat. facultatem Christinae Sveciae ut ingredi possit.

§.2. Non obstantibus Constitutionibus, & Ordinationibus Apostolicis, necnon Monasteriorum hujusmodi, & Ordinum quorum sunt, etiam juramento, confirmatione apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Contraria tollit.

Datum Romae apud S. Petrum sub Anulo Piscatoris die 24. Decembris 1655. Pontificatus nostri Anno I.

Dat. die 24. Dec. 1655. An.I.

LXI.

Christinae Reginae Sveciae concedit licentiam ingrediendi quoties voluerit Cryptas Basilicae S. Petri, ac Cappellam ad Sancta Sanctorum, & Cappellam subterraneam Sanctae Helenae in Ecclesia Sanctae Crucis in Hierusalem de Urbe.

Ex Regest. in Secret. Breu.

Charissima in Christo Filia nostra Christinae Sveciae Reginae Illustri.

ALEXANDER PAPA VII.

Charissima in Christo Filia nostra salutem, & apostolicam benedictionem.

§.1. Eximia Majestatis tuae in Deum pietas singulari in Nos, & hanc S. Sedem fidei, & devotioni conjuncta promeretur, ut ei libenter concedamus, quae ad spirituales ejus consolationem pertinere arbitramur. Itaque eidem Majestati tuae, ut Cryptas sub Basilica Principis Apostolorum, necnon Cappellam ad Sancta Sanctorum vulgo nuncupata prope Ecclesiam Sancti Joannis Lateranensem, & Cappellam subterraneam Sanctae Helenae in Ecclesia Sanctae Crucis in Hierusalem de hac alma Urbe toties quoties volueris, cum honesto, & moderato virorum, & mulierum comitatu ingredi libere, & licite possis, & valeas, apostolica auctoritate, tenore praesentium concedimus, & indulgemus.

Dat. facultatem Christinae Reginae Sveciae ingrediendi Cryptas Basilicae S. Petri de Urbe.

§.2. Non obstantibus Constitutionibus, & Ordinationibus Apostolicis, ceterisque contrariis quibuscumque.

Contraria tollit.

Datum